

COMUNE DI QUARTU SANT'ELENA – QUARTU SANT'ALENI

Tzitade Metropolitana de Casteddu

Ordinàntzia n. 98 de su 11/11/2022

PROVEDIMENTU URGENTI CUNFORMA A S' ARTÌCULU 54 D. LGS. DE SU 18.08.2000, N. 267

SU SÌNDIGU

ASUBA SA PROPOSTA de su Dirigenti:

BIDA sa relata de servìtziu de su Cumandu de Politzia Locali - proNet n. 140371 de su 25/10/2022 – trasmitia a segus de interventu fatu su 19/10/2022 in s' immobili chi s'agatat in Quartu Sant'Aleni – bia Perra n°25, chi ndi bessit a pillu sa situatzioni de degradu mannu chi cajonat perigulu a sa seguresa pùblica.

DADU ATU chi de sa relata de servìtziu ndi bessit a pillu chi: - is Agentis de sa Politzia Locali ant fatu s' interventu a segus de sa sinnalatzioni de is Vigilis Contrafogu lòm pia de su Tzèntru Operativu de su Cumandu de Politzia Locali; - sa squadra de su Cumandu Vigilis Contrafogu, intervènnia a manera lestra, at traballau po no ndi fai arrui is murus e at transennau totu su logu.

DONAU ATU finas chi su Cumandu de Politzia Locali – cun sa relata tècnica remonada at comunicau chi is meris de s'edifitziu funt is Sennores: “omissis”.

DONAU ATU, duncas, chi custu provedimentu tenit finas funtzioni de comunicatzioni, cunforma a sa lei n° 241/1990.

BIUS is articulus 18 e 66 de su Regulamentu Edilitziu aprovau cun Delibera de su Consillu Comunali n° 9/2000.

BIU s' artìculu 29 de su Statutu Comunali aprovau cun Delibera de su Consillu Comunali n° 12/2001.

DONAU ATU chi tocat a protzedi cun provedimentu urgenti cunforma a s'artìculu 54 de su D. Lgs. De su 18.08.2000, n. 267.

CUMANDAT a is Sennoris - , (C.F.:) - , (C.F.:) in calidadi de meris de s' edifitziu de provedi luegus etotu a fai is traballus de manutenzioni cunforma a s' art. 18 de su Regulamentu Edilitziu; A s'acabu de is traballus po ponni in seguresa su stàbili bolit trasmitia una relata de parti de su tènicu abilitau; in s' in casu de inadempientiàzia sa santzioni amministrativa andat de € 80,00 a € 480,00 cunforma a s'art. 7 bis de su D. Lgs. 267/2000;

INCÀRRIGAT su Setore Tutela de s' Ambienti e Servìtzius Tecnològicus a acumpri is cumpetèntzias cosa sua.

COMUNICAT chi cunforma a s' Art. 3 comma 4 de sa lei de su 07 de austu 1990 n. 241, si podit presentai recursu a su T.A.R. contras a custa ordinàntzia, in cabu de 60 diis de sa publicatzioni o recursu desemprau a su Presidenti de sa Repùblica, in cabu de 120 diis de sa scadèntzia de is tèrminis de publicatzioni.